

Faruk Selmanović

Zastupnik u Skupštini Kantona Sarajevo

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Ministarstvo za odgoj i obrazovanje Kantona Sarajevo

PREDMET: ZASTUPNIČKO PITANJE

Poštovani,

Javnost je upoznata da je učiteljica JU OŠ “Šip” u okviru realizacije odgojno-obrazovnog procesa iskazala javni stav u vezi sa ulogom prvog predsjednika Republike Bosne i Hercegovine Alije Izetbegovića tokom agresije na Republiku BiH koji ne odgovara činjenicama, naučno i pravno nije utemeljen i ne predstavlja odraz važećeg Nastavnog plana i programa.

Tražim od ministricе za odgoj i obrazovanje Kantona Sarajevo odgovor na sljedeća pitanja:

1. uvažavajući činjenicu da je autentičnost, odnosno vjerodostojnost izjave učiteljice potvrđena u „viber-komunikaciji“ rukovodstva JU OŠ “Šip” sa roditeljima učenika Škole, da li ministrica za odgoj i obrazovanje smatra da je iskazani stav učiteljice zasnovan na Zakonu o odgoju i obrazovanju u osnovnoj i srednjoj školi u Kantonu Sarajevo i važećim Nastavnim planom i programom?
2. da li iskazani stav učiteljice predstavlja njen lični stav i mišljenje ili odražava sadržaje tematskih jedinica iz Nastavnog plana i programa?
3. Koje radnje i aktivnosti će resorna ministrica preduzeti da se ovakva i slična postupanja u okviru realizacije odgojno-obrazovnog procesa u osnovnim i srednjim školama ne ponavljaju?
4. da li učitelji i nastavnici prema Zakonu o odgoju i obrazovanju u osnovnoj i srednjoj školi u Kantonu Sarajevo, u okviru realizacije nastavnog procesa imaju pravo iznositi lične stavove i mišljenja koja nisu zasnovana na važećim nastavnim planovima i

programima, nisu činjenično utemeljena, niti su naučno dokazana i pravno verifikovana?

5. da li prema Zakonu o odgoju i obrazovanju u osnovnoj i srednjoj školi u Kantonu Sarajevo sloboda nastavnika u izvođenju nastavnog procesa obuhvata i iznošenje privatnih stavova i ličnih mišljenja koja nisu zasnovana niti na sadržajima iz Nastavnog planu i programa, niti odgovaraju činjenicama, naučnim istinama i pravnim dokazima?
6. da li se iznošenjem privatnih mišljenja ili stavova nastavnika u okviru zvaničnog odgojno-obrazovnog procesa koji nisu zasnovani na sadržajima iz Nastavnog plana i programa, neodgovaraju činjenicama, naučnim istinama i pravnim dokazima, krši zakonski princip koji propisuje da nastavnici imaju naglašenu društvenu odgovornost?
7. da li iznošenje privatnih mišljenja ili stavova nastavnika tokom izvođenja nastavnog procesa koji nisu zasnovani na činjenicama, naučnim istinama ili pravnim dokazima, predstavlja zloupotrebu slobode nastavnika?
8. da li zloupotreba slobode nastavnika tokom realizacije odgojno-obrazovnog procesa negativno utiče na formiranje ličnosti učenika i da li se na takav način obrazovanje pretvara u ideologiju?
9. da li se zloupotrebom slobode nastavnika i iznošenjem neargumentovanih stavova ugrožava postizanje temeljnih ciljeva odgoja i obrazovanja koji su definisani članom 3. Zakona o odgoju i obrazovanju u osnovnoj i srednjoj školi u Kantonu Sarajevo, a među koje ciljeve spada i razvijanje državotvorne svijesti i patriotizma, razvijanje svijesti o nacionalnoj pripadnosti, svijesti o očuvanju povijesno-kulturne, te duhovne baštine i nacionalnog identiteta?
10. šta je resorno Ministarstvo preduzelo na uspostavljanju sistemskih pretpostavki kako bi se odgojno-obrazovni proces u osnovnim i srednjim školama odvijao u skladu sa Zakonom o odgoju i obrazovanju u osnovnoj i srednjoj školi u Kantonu Sarajevo i važeći Nastavnim planovima i programima?
11. šta će resorno Ministarstvo konkretno preduzeti ukoliko je iskazani stav učiteljice u suprotnosti sa Zakonom o odgoju i obrazovanju u osnovnoj i srednjoj školi u Kantonu Sarajevo i važećim Nastavnim planom i programom?

S poštovanjem,

Faruk Selmanović, Zastupnik u Skupštini Kantona Sarajevo